



PUO EA LETONA LE KHABANE LA
MESEBETSI EA SECHABA LE
LIPALANGOANG, MOHLOMPHEHI
MALIEHE PRINCE MALIEHE EA HO
PHETHOLA LEKOTE LA PULO EA TSELA
EA ALWYN'S KOP -TELE

TELE, TŠEPONG

LA 4 MOTŠEANONG 2018

Motlotlehi Letsie la Boraro

Mohlomphehi Tona-Kholo

Mohlomphehi Mookameli oa Ntlo ea Senate

Mohlomphehi Motsamaisi oa Lipuisano ka Lekhotleng la Sechaba

Mohlomphehi Motlatsi oa Tona-Kholo

Bahlomphehi Baetapele ba makhotla le mekha e pusong

Bahlomphehi Matona a Khabane

Bahlomphehi Baahloli ba Lekhotla le Phahameng

Mohlomphehi Ramolao e Moholo oa 'Muso

Mohlomphehi Motlatsi oa Mookameli oa Ntlo ea Senate

Mohlomphehi Motlatsi oa Motsamaisi oa Lipuisano ka Lekhotleng la Sechaba

Litho tse Khabane tsa Ntlo ea Senate le Marena a Sehlooho

Litho tse Khabane tsa Lekhotla la Sechaba

Mongoli e Moholo oa 'Muso

Excellencies Heads of Diplomatic Missions and of International Organizations

Mochochisi e Moholo

Baetapele ba Likereke

Bangoli ba Baholo ba Makala a 'Muso

Babusi ba Litereke, Balula Setulo ba Makhotla a

**Molaoli oa Sesole, Mookameli oa Sepolesa, Mookameli
oa Mautloela, Mookameli oa Tlhabollo ea Batšoarua
Bahlanka bohle ba 'Muso
Baphatlalatsi ba Litaba
Bo Ntate le Bo 'Mé, le lona bana ba sekolo**

Kea le lumelisa sechaba sa Liphakoe.

Sepheo se seholo sa 'Muso oa Motlolehi ke ho bona hore moruo oa Lesotho o oa ntlafala, le hore bofuma bo teng kahare ho naha bo'a fokotseha.

Ke filoe boikarabello ka Lekala la h'eso la Mesebetsi ea Sechaba le Lipalangoang, ho netefata hore 'Muso o fihlela sepheo sena, ka ho phunya lithaba le ho thapisa linoka le linokana hore li tšelehe ha bobebe ka khaho ea litsela, marokho le marokhoana a maoto.

'Muso o utloile seboko sa lona sa phohomela sa nako e telele sa tlhokahalo ea tsela ea letšoana e eang lelibohong Tele. Ke motlotlo haholo hore ebe kajeno re phuthehile mona ka sepheo sa hore Mohlomphehi Tona-Kholo a tlo bula tsela ena ea bohlokoa tikolohong ena.

Ke motlotlo hape ho u tsebisa mohlomphehi Tona Kholo le Sechaba se teng koano, hore moralo le Khaho ea tsela ena e bile mosebetsi o etsoang ke Basotho. E raliloe ke

Mafube Consulting Engineers, ea hahoa ke Matekane Transport and Plant Hire.

Bolelele ba tsela ena ke likilometara tse robong le halefo (9.5km), 'me ka kakaretso e hahilo e chelete e Limilione tse Lekholo le Metso e Mashome a Mabeli a Metso e Mehlang (125 Million Maloti).

Bo Ntate le Bo 'Mé,

Tsela ena ea maemo a holimo e etselitsoe lona sechaba sa Liphakoe. Kahoo tebello ke hore le e boulele.

Ho fere litaba tsa ka, ke etsa thapeli hore le tle le hlonephe setsa sa tsela ka ho se ahe matlo a bolulo, a khoebo le mekh'ukh'u ka hare ho sona. Sena se setisa tšebeliso e reretsoeng tsela le ntlafatso ea eona kamoso. Hlokomelang ke hona lipalo tse tšoeu tse tšoahileng setša sa tsela ena.

Bo Ntate le Bo 'M'e,

Letsatsing la kajeno ha kea lokela ho bua lolo-lolo kaha mosebetsi oa ka e le ho fiela mabala hore Mohlomphehi Tona Kholo a tsebe a tlo etsa mosebetsi oa ho bula ka molao tsela ena e kopanyang Alwyn's Kop le Tele.

Ntate ka boikokobetso ke kopa u re etelle pele ho re bulela tsela ena ka molao.

Kea leboha